

【五智】（科註第一〇一三頁第一行）

《邊地疑城第四十》：若有眾生，以疑惑心，修諸功德，願生彼國。不了佛智、不思議智、不可稱智、大乘廣智、無等無倫最上勝智，於此諸智，疑惑不信。

《佛光大辭典》：指佛所得之五種智。出於無量壽經卷下、略論安樂淨土義。即：

（一）佛智，總稱佛之一切種智。

（二）不思議智，謂佛智能以少作多、以近作遠、以輕為重、以長為短，反之亦可，故稱不思議智。

（三）不可稱智，謂佛智泯絕稱謂，非相非形，超越對待。

（四）大乘廣智，謂佛無所不知，無煩惱不斷，無善不備，無眾生不度。

（五）無等無倫最上勝智，謂佛智如實而不虛妄，得如實三昧，常在深定，遍照萬法，無與倫比，如法而照，其照無量。

又兩卷無量壽經宗要復以不思議智配於成所作智，不可稱智配於妙觀察智，大乘廣智配於平等性智，無等無倫最上勝智配於大圓鏡智。